

原體	楊子庭	單可大	樊東謨	原鍾璜	樊格	冉達	慶肅	鄧英	申明	王贊	王理
韓國紀	屈自紳	王枕	關瀚	張奇勳	徐安	李經	馬注	雷敏	井潔	韓文	張福
雷階	王大魁	楊集	王汝璜	宋理	雷興	李順	彭琰	劉詒	張耀	李奈	宋文
劉自新	王勵精	雷焯	趙世英	孫潤	寶珩	寶謙	王用	寶芳	岳翔	薛真	張連
原懌	屈成	劉本靖	張登俊	張六吉	米溥	張所傑	陳紫位	原時	崔光第	王鸞	南午
趙溶	郭錦謨	王孕琦	郭維藩	郭星耀	賀元功	國朝	原懌	李新	原鐸	原懌	原懌
趙溶	郭錦謨	王孕琦	郭維藩	郭星耀	賀元功	國朝	原懌	李新	原鐸	原懌	原懌
趙溶	郭錦謨	王孕琦	郭維藩	郭星耀	賀元功	國朝	原懌	李新	原鐸	原懌	原懌

郭月枝	陳煥章	王克修	劉化蛟	崔蔚文	屈汝驊	楊星煥	雷文煥	王自銘	李映旭	楊照溪	張芬
張啟典	郭宏甲	甘肅	原侗	王垣	劉文彥	楊長	劉星軫	郭振蕃	原錫澤	屈璧	原維楨
原秉謙	張韓	許孟清	楊嘉賓	許崇文	楊廣	楊廣	雷鏡	權巨任	劉毓秀	原純長	原純長
韓顯儒	劉裕民	同起戶	劉光謨	王訖	米淑	蘇丕佑	張國治	張前烈	蘭文蔚	原深	劉藻
雷先聲	常肇增	劉達辛	徐文煥	屈仲乙	黃茂桂	小長吉	原景泰	王樹琳	李子秀	劉人英	梁棲鴻
原景泰	王樹琳	李子秀	劉人英	梁棲鴻	張六如	馬登雷	楊枝桂	郭鄰洲	原印玉	郭文元	郭文元
任裕莘	王奎斗	郭桂	張所蘊	王棟	劉益	原兆椿	楊宣賓	王佐	張銘	李彬	李彬



薛步月	原紳	彌綸	張价南
張宗鏐	崔侶文	郭泰安	楊肇鳳 <small>有傳</small>
劉岸	劉致清	党毓瑞	郭士毅
王坦	張紹言	雷叫	王堃
武作賓	李顯玉	王鳳翔 <small>有傳</small>	劉元勳
王煒	王家駿	寶樸	寶楷 <small>邠州訓導</small>

清城縣新志卷之九

選舉

三

劉遇	蘭如義	郭寶森	李桂馨
常之傑 <small>甯陝訓導</small>	韓璞	原岷	雷運午 <small>見乙科</small>
齊玉琳	馮世俊	尉明廷	楊夢花
張志一	何新	張俊 <small>邯鄲訓導</small>	席珍 <small>見甲科</small>
楊毓森	楊挺	何寶書	崔寶仁 <small>見甲科</small>
張文英	党春容	楊逢庚	王濼厚

清城縣新志卷之九

選舉

三





蒲城縣新志卷之九

楊壽祺 汾西知縣	李蘊芳 有傳	郭大成 典史	張書英 典史	雷運之 典史	楊旭 知縣	原尙鏞 府南侯補	原鈞 典史	原守敬 補分縣	劉逢乙 鄭訓導	米黃 安訓導	李光業 補典史	原理司 寺署正	原蔭司 城兵馬司正	原崇禮 府甘肅補用	原成德 州西試	李宗烈 大東使	李模 大東使	王純道 山西史	徐鈞 北州史	魏應辰 州東目	申耀堂 州東目	陳鐸 州東目
雷廷珍 封中憲	雷廷瑛 封中憲	王映啓 通奉	原應福 以弟應	王廉 加二級	王家濟 以姪大	王廉 加二級	王廉 加二級	王廉 加二級	王廉 加二級	王廉 加二級	王廉 加二級	王廉 加二級	王廉 加二級	王廉 加二級	王廉 加二級	王廉 加二級	王廉 加二級	王廉 加二級	王廉 加二級	王廉 加二級	王廉 加二級	王廉 加二級

蒲城縣新志卷之九

張士毅 補同知	張淦 補同知	雷繼激 東戶部	王璵 城固乙卯	王振東 蘇州外郎	李龍光 俱同治	張琮 雲龍孫	張五瑞 雲龍孫	張從愷 以父瀛	張守愚 附生	張元斌 撫標營	王毅 院奉政	郭景秀 附貢
------------	-----------	------------	------------	-------------	------------	-----------	------------	------------	-----------	------------	-----------	-----------

蒲城縣新志卷十

知縣李體仁重修

邑人王學禮編纂

人物志上

錦里耆舊汝南先賢此方志紀人物之權輿也蒲自宋元以前文獻殘缺大率無徵厥後人材輩出甲於左輔晰其條目曰忠節曰賢能曰儒林曰文學曰軍功曰孝友曰義行曰耆德曰方技迹其品類不齊未敢云追古聖賢然分道揚鑣上之樹績朝廷次之流譽鄉黨下至一材一能均有裨於世用博採而甄錄之允足增桑梓光矣間有人非邑產素稱流寓者準諸往記亦在不遺作人物志

忠節

蒲城縣新志卷之十

忠節

一

晉吉挹晉書本傳字祖冲祖朗愍帝時為御史中丞西朝不守期歎曰吾何忍君臣相隨北面事賊乎乃自殺孝武初苻堅陷梁益桓豁表挹為魏興太守尋加輕車將軍領晉昌太守以拒堅功拜員外散騎侍郎苻堅將率鍾攻魏興挹拒之斬七百餘級加督五郡軍事鍾率眾欲趨襄陽挹邀擊斬五千餘級鍾回軍圍之挹屢挫其銳鍾眾繼至挹力不能抗城遂陷被執不食不言死追贈益州刺史

明王勵精表忠記由選貢授廣西通判歲饑毀所繫銀帶以賑墜崇慶知州值流賊陷成都士民驚竄其僕勤之去不可曰身受國恩焉可逃死賊勢逼具朝服北向拜關西向拜辭其家從容書壁曰為臣盡忠為子盡孝而今而後庶幾無愧書畢登樓縛利刃於柱而露其鋒貯火藥樓下危坐以待及賊渡江身自

舉火火烈觸刃貫胸而死賊歎其忠歛葬之此係崇正十七年事明史有傳

王道純明史本傳蒲城人字懷鞠天啟五年進士授中書舍人崇正三年擢御史疏陳破資格之說言銓除舉劾考選甲乙科太低昂宜變通則賢才日廣帝命所司即行而甲科勢重卒不能返流賊躡關中道純請急賑饑民毋使從賊報可己劾罷光祿卿蘇晉參政張爾基四年劾吏部尚書王永光當去者三不可留者四不納巡按山東其時李九成孔有德叛於吳橋南下道純移書巡撫余大成令討捕大成不信再促之遂託疾請告與登萊巡撫孫元化遣使招諭道純以為非請勅二撫速勦及賊陷登州元化被繫大成猶招撫道純憤抗疏力爭帝即命道純監軍及徐從治代大成謝連代元化並入萊州為賊困在外調度止道純一人賊遣人偽乞撫道純焚書斬使言賊日以撫

蒲城縣新志卷之十

忠節

二

愚我一撫而六城陷再撫而登州亡三撫而黃縣失四撫而萊州被圍我軍屢挫安能復戰乞速發大軍拯此危土時周延儒熊明遇主撫讓道純反被責讓明遇遣職方主事張國臣贊畫軍務國臣入賊中招撫賊伴許之攻圍如故及總督劉宇烈至進兵沙河道純與之俱宇烈中情怯頓兵不進日議撫尋乘軍奔道純復請速討不納道純巡撫謝連被執帝震怒遣宇烈召道純還京而明遇亦罷去宇烈下吏引道純分過道純疏駁其所奏十餘事命所司並按又劾明遇國臣交通誤國十罪語侵延儒疏未下延儒洩之國臣國臣亦劾道純十罪道純遂並劾延儒帝皆不問已而賊平道純竟坐監軍溺職斥為民十五年以廷臣薦將起用未果及李自成陷蒲城道純抗節死福王時贈

郵如制

按公一字湛白被執時裔降不屈索金不應縛以去渡河至山右時公父尚在貸五百金令人尾之欲以贖公曰爲我謝大人死義也毋資盜糧自成重其節不忍加刃令與同縛者坐壁下覆而殺之家人求尸弗得公舊以柏爲冠笄以是獲焉

魏國柱字鳳庭萬歷壬子舉人幼即孝親敬兄不事浮飾初令臨淮清慎自矢愛民如子及陞睢州守志節尤正直不阿歸田後值賊亂被執追餉子允貺事父素孝與童僕羅安隨侍國柱於李自成營朝夕不離同時被害人咸義之

秦一藩號翼明萬歷壬子舉人歷任甯鄉太平知縣政績丕著擢河南府同知以讒歸崇正癸未佐縣令朱一統城守誓不降賊亂既定縱酒高歌絕意仕進長吏罕觀其面數年後竟抗節

清湖縣志卷之十一

忠節

三

死甲申正月述懷有句云網常千古重節義一身輕痛甚衣冠足驚有詩題甲子無心問癸庚誓同西山餓願蹈東海

趙世英號季含崇正庚午舉人知慶都縣性端嚴沈靜謙抑下

人初與諸生和鼎同學後以師禮事之國變後改戴黃冠隱居白水與一二知友爲伴狂遊當時權貴概謝絕往來後以不遵

制死其彭衙山居詩云獨抗羈情一卷書江湖魏閣總愁于生誰能借二士沈湘我欲弔三閭新亭風景山河異咄咄塵汗眼

和鼎字子新諸生爲人慷慨剛嚴尙氣節善談論工詩酷嗜李

長吉富平李因篤稱蒲城可傳之詩子新爲第一萊陽左蘿石先生令韓時類邀至其署與訂心知亂後逃奔華山後隱邑晉王村感念故國輒歎歔淚下酒酣耳熱時爲詩多抗厲激烈之

音有集藏於家

秦中夔號虞天晚號古蟄崇正丙子舉人少有節概爲學不倦與楊維斗陳百史諸名宿結社京邸以道義文章相砥礪逆聞入關力拒僞命避入少華山亂定還鄉鍵戶著書數十年不入城市邑令喬榛再三請見惟著葛巾野服與會明倫堂喬未幾罷歸深以不能久親爲恨友人和鼎贈詩云嚴冬堅坐老知心四海男兒今已見又有曹養鯤號圖南由舉人知成安縣歷任戶部郎中馬中驛故清豐令鼎革後俱隱居不仕

王文昌武舉崇正四年三月流賊逼境駐營白水馬家渡文昌蒙委領壯丁救援賊擁眾過河壯丁奔散文昌猶力戰被執罵不絕口死推官吏可法上其事俾建祠祀之以戰死壯士劉三德等配享

清湖縣志卷之十一

四

單惟欽字肅之諸生癸未冬賊陷西安遣其黨四出校士不至者以軍法從事欽攜家北走烏延山中一日酒醉不勝悲憤投崖死

米貞頤廩生己丑城陷憤罵不屈死大吏旌之曰孤忠不朽

國朝張來順治辛卯舉人康熙十三年任棊江知縣吳逆竊據全蜀來天志不屈以憤死

王大謨陝西督標中營千總雍正八年調巴里坤從征紅山硤遇賊戰沒 諭祭文存其家

賢能

梁吉士瞻少有大志不事生產年逾四十始事梁武帝以功歷巴東相建平太守後爲梁壽二州刺史加都督入爲太子右衛率又爲西陽武昌太守在郡清約家無私積

唐蔣常奉先人爲衛尉板橋店主張逃妻歸甯有王衛楊正等投店宿夜有以王衛刀殺逃者還刀入鞘內正等不之覺五鼓早發至明店人趨正等拔刀血甚狼藉收訊之誣服列狀上疑焉乃命常復推常至悉追店左右男女十五以上既集爲人數不足且縱之止留一嫗晚放出令典獄卒密覘有人共語卽記之明日復爾如是者三皆此人也常乃追集三百人就中喚出與嫗語者其人惶恐具服乃與逃妻通者也

元寶本字可立至正四年冬以徵仕郎爲澄城縣尹接人以禮御下以寬潔己公勤處事精詳終雲陽同知見澄城志

明王臣字尚忠天順甲申進士初官工部主事晉戶部員外郎出爲山東都轉運使陞山西左參政性純厚成化間關中大饑姻族多就其祿食以活其後子孫蔚起仕宦接踵爲關中名族

蒲城縣新志卷之二

賢能

五

魏乘孝同人字執中成化丙戌進士歷官監察御史山東副使廉介絕俗尤有政績憲廟時常直南郊制儀上言人君所畏惟天今當郊祀儼與神交宜肅恭收斂精以對越之誠不可令教坊諸俳在左右以二三其心時以爲名言

劉震字啟東辛卯舉人性剛特博學危行甲辰饑甘心窮餓不苟受餽遺任保定推官清介如始卓有能聲卒於官家人從治命義卻某太守賻金喪歸不能舉士論追號介庵先生祀鄉賢姜實宏治庚戌進士授曲沃知縣以廉能擢御史巡鹽河東值歲饑賑活萬計巡長蘆兼理河道凡權貴夾帶商貨及站鹽紅船一切革之鹽法流行陞湖廣僉事期年黜不職官十八人墨吏望風解綬生平寡言笑剛正不撓事親尤以孝稱

忽鳴字若鳳嘉靖丙子舉人初知大城縣有杠船羨餘歲計千

金例入私囊鳴請而裁之時縣境多宦官占供丁以爲民害鳴查品級核實數丁之歸公者歲多數千後擢南京戶曹督兩浙稅鳴刻躬飭法寬稅則懲耗蠹人不敢干以私後補北戶部遷員外郎進郎中補貴州鎮遠知府因俗立政民夷帖然未浹歲以母老告歸內行素篤與其弟友愛極睦終身不言析產

陳守正字秉直業儒不成習刑名後官通州衛經歷督張家灣城有功擢四川漢州州判歷署仁壽綿竹知縣廉靜有威蜀民畏而愛之以執法不合時免官歸家居樂與士大夫遊人以其有高致也皆親就之及卒鄉應龍表其墓曾孫疏宸字觀天諸生敦行業樂施與巡按御史嘗旌其閭曰德行云

蒲城縣新志卷之二

賢能

六

寺丞歷戶部郎中至左通政抑強宗禁猾胥雖權相子無少寬假以是人皆憚之值火災上疏謂天變由好貨所致觸上怒左遷睢陳兵備副使不赴家居煮粥賑饑全活二萬餘人性篤孝雖年踰耳順事母依然孺慕祀鄉賢

王元命字后軒庚辰進士初入庠謁廟轟雷突起識者異之居恒讀書雖親友罕親其面初登第慮父老急歸省浹歲父沒服除授工部主事監修慈甯宮與巡視給諫語不合拂衣歸後起本官督南旺漕運值歲饑弛禁源泉開魚蝦利濟河許之民多賴全活累官郎中擢山西雁平道兵備副使復以孤介忤時歸楊應宿號中台年十八舉於鄉由癸未進士除戶部主事歷郎中奉使南京監兌以武弁暴橫疏劾指揮使落職由是覓軍斂迹不敢魚肉小民後督通州糧儲剔除夙弊出納維允及管太

倉庫吏以金進曰此舊例也應宿怒曰庫內皆朝廷物我為朝廷官乃為盜乎重責之三年上羨餘銀十萬神宗嘉獎者再擢雲南按察副使先是吏部侍郎趙用賢以女許字御史吳之彥子既而毀之應宿上言毀親非大臣體又有口代天言四疏尋坐與中書高攀龍相詬詈降湖廣經歷遂拂衣歸其後子孫蕃衍科第輝聯為一邑望族

按應宿論絕婚事見明史趙用賢傳

李應策字成可進士歷安陽令舉卓異徵授刑科給事中時倭據朝鮮頻年勦撫無功特疏劾石星沈惟敬等卒真大辟時論建之典試四川得士稱盛陞太常少卿左通政歸居家孤高絕物踴踴涼涼年八十卒

英東謨字西樞號昌南丙戌進士除戶部主事歷郎中出守順德府潔已愛民興利除弊郡人為建生祠歷山西巡撫蒞任半歲即歸座有四銘曰志不可滿傲不可長欲不可縱樂不可極以自警云卒年七十有八

蒲城縣志卷之十

賢能

七

常澄號湛字父廷圭舉人初官青州同知以衡府承奉驕橫捕治不少貸遷南京前軍督都府經歷致仕歸歷官二十餘載家無長物澄幼承家學舉止莊嚴由進士宰臨漳東明二邑惠愷有聲擢吏部主事歷驗封郎中絕餽遺杜請託人無敢干以私祀鄉賢

張大行號鐘溪富平楊忠介公之外孫也由萬曆丁酉舉人任蒲鄉知縣旋擢霸州知州剛方正直不畏疆禦民間一切利病盡力興除常恐弗遑居官二十餘載宦囊蕭索不名一錢後其事上聞祀鄉賢

魏國卿字鳳臺丙午舉人性端行潔尤敦孝友遭父母喪哭幾

失明三年中未嘗見齒為館陶令寬以養民廉以律已館人德之以忤當事罷歸辛巳大荒憫里族餓解衣推食至鬻產以濟之全活甚多以此勞瘁致疾卒

屈鍾嶽字毓秀壬子舉人為太原令清慎敏捷循聲藉藉尋轉光祿署正遷刑部郎中出為大同知府未幾卒嶽有豁達之度不事纖趨居官正直不阿終始如一旅櫬歸里行李蕭然

張士奇字秦麓奇籍宜君由恩貢授永清令潔已愛民陞任通州值潞藩之國遠近守牧餽贈過多士奇以禮自守一切誅求力拒弗應並徵罷運木車歲省民費三萬金治運河廣衍民田仰荷聖書金爵之賜擢開封郡丞修河南北隄民免水患後祀

通州名宦子應辰字聚垣少孤事母以孝母或不懌則長跪受杖天啟丁卯舉於鄉授肅甯令時魏璫敗株連頗眾應辰多所

蒲城縣志卷之十

賢能

八

平反以最擢知宛平奏罷稅數千察大姓為民害者按以法素強肅然轉戶部雲南司主事尋卒

國朝米襄順治丁亥進士初授邢臺令邢故水泉漫漶為民害襄至即度地開渠以滋灌溉西山表延數百里羣盜盤踞四出剽掠襄訓練鄉勇親勦賊巢渠魁授首民患以息內擢臺員旋出按江西甫入境有郡守暮夜餽金不受即廉得其貪污實蹟劾罷之在官興屯政設江防奏豁荒欠審結歷年獄案嚴禁開採

皆有裨實政親事一年外艱歸服闋檄取補官以母老乞終養遂不復起

屈成品貢生順治初除未陽令一清徹骨愛民如子種種善政靡弗舉行而懲治奸惡則又不遺餘力會大盜數十人夜劫失

印遂罷歸未陽人悼惜不已為立生祠

索景藻字二因壬辰進士任樂平知縣時盜賊充斥景藻不加刑戮期年而境內大靖舊賦逋額累萬景藻曲為勸諭不三月輸納一清以勤勞得疾卒於任士民哭奠日數十人入名宦祠屈穎藻字龍章康熙甲戌進士除四川蒼溪令蒼溪地瘠民貧終歲無百金資人咸苦之藻獨夷然兼攝梓潼縣事有將軍過蜀夫馬供億糜費千金藻度民不能支悉令遣避惟以隻身應役反見優禮民德之樹碑頌其惠入為吏部文選司主事矢公矢慎清節不渝比告歸宦囊蕭索幾無以供饗殮

蒲城縣新志卷之二

賢能

北

原衷數字簡齋乾隆丁未進士選庶吉士旋授編修歷任浙江鹽驛道歲收課百萬羨餘數千金分毫不取又念商力疲敝一切陋規蠲除殆盡卸事後資斧缺如商送贖儀千金亦不受當時有到黃山空回之譽

李登瀛字韋齊一字仙洲癸酉舉人大挑一等分發雲南歷宰富民洱海昆明各縣陞麻哈州知州賢能之名震天下乾隆四十六年慎選良吏以治西陲得登瀛用為安西州直隸州登瀛天才宏亮善因地制宜而不求赫赫名到處悉稱其職富民新官蒞任凡衙中什物皆派諸里民而墊賠於鄉保正咸易數官則保正破家里民亦因之大困故當更換保正時必密拘其人而後役之否則聞風先遁登瀛拜印後詢明各物市價依價償之造冊立案詳請作為交代並出示曉諭里民民歡呼頌青天

逾年遂有求充保正且有爭充而控舉報之不公者洱海自前明即為盜藪地方八百里綠林時有登瀛請於臺省得便宜從事既至製木墩石墩重柳連柳各數十犯者以木槌碎其兩髀然後枷頸而繫足於墩盜聞之遁捕役王文者宿賊也見新官法重逃去登瀛緝得之令詳舉各鄉盜賊名以贖罪有漏與偽立斃杖下文具密摺登瀛核之信遂張示城鄉準盜賊投首具改悔結不問否則捕之來必死由是諸草竊者皆自言而縣境肅清安甯州民馬永安與唐某爭田互控馬妻楊氏縊於唐姓之門明日屍在村外道左鄰證李某親見永安移屍知州據以定案已証服矣按察使檄登瀛覆審登瀛親往勘其狀疑之馬果移屍道必出唐姓之門不以陷仇家而遷移諸村外豈以誣山神乎研訊數日卒得唐姓移屍之實而獄以定江西黃君履

蒲城縣新志卷之二

賢能

十

賈於大姚將歸收債以八月初九日死於河身無傷而手足皆縛兇繩即其褲繫也署縣王時泰通報緝兇而疑黃以收債致死必同鄉人知之有謀其財者因拘江西賈一百餘人終日集訊三閱月不得要領屍弟奔控按察司檄登瀛往按之登瀛親詣撈屍處沿河逆上一里餘見有大開木椿密布屍不能浮而過也維時已疑其醉後被縛由閣下擲矣沿河而下只有觀音寺一村小徑直通河畔因問此村中有欠黃某之債者誰也村人曰陳書書負責債甚多七月間與黃角口村眾為之講解令先償銀十兩而銀尚未償於是傳陳書書已他出妻與二子在乃訊之則君履以八月初八日抵書家書飲之酒醉甚不能行書背至河濱解其庫繫縛焉而投諸河也正兇得而獄以定登瀛在滇十年不預設成心不膠執已見疑難之來隨機應之事

大府侃侃然不爲唯阿人呼之爲慙李廉中上下數十人每日食肉不過一斤人又呼之爲李一斤及其牧安西而才乃畢見也安西古敦煌地一州三縣境周七十里砂磧與戈壁相間客民戶民統計六千餘家差徭苦之兵弁盤剝之頭人訛索之客約詐騙之田瘠而不敷於食不能不稱貸於鋪戶故但完私債而不納官糧水少而不足於灌不能不重價以買水故無水者納糧而無糧者有水自來牧斯州者但與之休息而已未有講求治之之術者也登瀛蒞任一月乃變通舊法以治之知欠糧之由於官不多借也於籽糧準借之物倍其數以接濟不使之稱貸鋪戶亦不使之借支兵糧至秋征開倉不踰月而輸納咸畢矣自是遂無欠糧者知雪山之水多散而不收也開濬渠道約束散流咸歸於東西兩渠於是在安西境者有黑水橋雙塔

蒲城縣新志卷之十

賢能

七

布隆吉八九十道溝之水在玉門境者有赤金堡惠回堡花海子各泉之水在敦煌境者有弔驢溝新舊十渠之水而黨河蘇勒河昌馬河之三大水分灌尤眾其向之應得水分而爲強民霸據者則檢舊案而釐正之其逃絕各戶有懸岩無著之糧者則考原水而招集之蓋河西之地按糧均水按水承糧水少田多故戶亡而水故在也自是遂無失業不假頭人以事權而示以賞罰之公故頭人亦樂爲用不聽客約之是非而勤於當堂之間故客約難徇於偏關外之民至是始有生氣焉登瀛在安西五年以病歸

原遜志字孟修由進士選臨邑令甫下車值歲饑卽集眾築城以工代賑官錢不足以私囊充之不以捐輸累民也遷德州知州州渡河埠口胥吏借譏察名多方阻滯遜志取首惡置之法

其弊遂革其他除苛政節徭役供軍旅補倉廩事舉而民不擾兩充鄉試同考官得士稱盛疾作德人爲禱於神卒弗痊歿後祀德州名宦本色鄉賢

張士範字仲模丙子舉人由內閣中書出知池州府擢蕪湖道四署按察使其在池州也以街衢多火災建亭名天一以壓之後果息江水暴漲督隄工露立數晝夜水卒弗害祈雨則應捕蝗則去民以爲精誠所孚云攝臬篆時有鳳陽寡婦管氏以姑暴死罹冤獄已擬極刑事上臬司士範謂死者無傷形迹可疑研鞠之實緣登樓滑梯而墜遂平反焉後謝病歸子汝驥字堯山壬子舉人歷官福建延建邵道幼承家學篤於內行閨門之內不肅而治其守太平也繁昌民王東山爲仇家所誣幾陷重辟案至府汝驥疑之躬研訊卒得其情嗣調守鳳陽值旱災禱

蒲城縣新志卷之十

賢能

三

雨捕蝗不遺餘力遂反歎爲豐及觀察閩中不求赫赫名吏民咸安其政後以送琉球貢使卒於都素能文且工書人比之米顛云

原廷苾字孝芬丙子舉人由大挑一等授試用山東知縣署樂時適出外有劉姓因博不勝飲藥死鄰縣疑同博劉來貴等共毆致斃既誣服廷苾廉知其冤力爭於上官卒雪之陞臨清州同旋署博山縣事時方苦旱禱雨立應服闋補淄川縣民素悍獷苾悉心化導風尚以變暇則巡阡陌課農桑培養士子政績爲一時最

原集鳳字儀虞舉人由河工議敘知縣分發廣西歷署西林修仁昭平東蘭州事題補桂平有惠政調署臨桂臨桂首邑也人皆以事上爲先集鳳惟盡心民事餘概脫畧大吏滋不悅遂以

虧累停任又值內艱縣民走藩署請代賠集鳳召而諭之曰我官此甫一年無德於民而反累民雖死不肯為也桂民來祭喪賻千金辭不受令子歸毀家以償之同官為助資斧乃得歸服闋又赴廣西委署桂林同知兼管錢法局往者官吏多蝕減以故錢薄小且和以沙集鳳令工人自往藩庫領局費弊遂革錢亦如法嗣補馬平縣縣有陋規為商民害又有塘夫為里民害集鳳悉除之又鑄石縣署大門外以垂永久適貧民有遺賦吏日請追比終弗聽遂以徵科不力勒令代賠集鳳時以勞致疾至不起停柩四載事白始得歸葬

王鼎字定九號省厓貧而力學會試入京時韓城王文端方居樞相以族誼欲致之府不就乃書寇萊公杜祁公范蜀公王文正公事蹟贈之曰觀子品概他日必登子座嘉慶元年成進士

清城系新志卷之二

賢能

三

選庶吉士散館授編修十遷至內閣學士歷工吏戶禮刑五部侍郎管順天府尹事充 經筵講官道光二年遷都察院左都御史署河南巡撫旋丁外艱服除以戶部侍郎充軍機大臣賜紫禁城騎馬六年授戶部尚書回疆事平加太子少保 紫光閣圖像十一年署直隸總督管刑部事十八年授東閣大學士二十年晉太子太保二十一年署河東河道總督以功晉太子太師公為人謙退而臨事侃侃無少瞻徇歷事兩朝以端方正直結

至知入預機務垂二十載矢公矢慎終始不渝一視學江西一分校會試再至浙江鄉試四主順天鄉試三主會試所得多傑士在戶部十餘年綜覈出入吏莫能欺總刑曹最久巨細躬親多所平反嘗奉命查辦事件先後歷九省大小四十餘案判斷

明允關防嚴密大端不外肅官方正名教端風化安民心斟情酌理各成信讞如河南儀工報銷一案浙江徐蔡氏勒斃一案長蘆商人呈請調劑私售鹽斤及兩淮虧短疲敝諸案其尤著者也二十一年秋河決開封

詔公往視時議者謂水勢方張不宜塞且請遷省會以避其衝公持不可疏言河水方灌歸德陳州安徽毫穎合淮水東注洪澤湖湖底日受淤萬一清口宣洩不及則高堰危高堰危則淮揚一帶千百萬生靈盡飽魚鼈矣無論舍舊址築新隄自豫達海工費浩大且自古無任黃水橫流南趨之理願趨戶部具帑期以冬春之交集事不效願職其咎并具陳民情重遷省垣可守狀疏入議始定公初至汴四面皆水躬率僚屬晝夜巡護城始無恙洎工興親駐河壩麥舍星宿露飯燈燐達曙倦則寐

清城系新志卷之二

賢能

四

肩輿中先後未返行館者八日凡六月而而戴事糜帑金六百萬有奇僉謂財用之節成功之速前此未有也二十二年三月遷 朝時海疆厭兵林文忠方被譴又開五口通商賠兵費銀一千八百萬

上勞公語及和議公爭之甚力退與諸大臣語不勝憤恨戊申晦草遺疏痛詆當事者誤國貽他日無窮患既畢置夾衣中縊於圓明園寓邸年七十有五蓋欲效古人尸諫也後其疏為檢人所易竟未上

上念公忠贈太保諡文恪入祀賢良祠

王師道字勉齋少以氣節自勵貧不能卒業書史或勸之改業歎曰大丈夫乃與草木同腐哉徒步走京師時文恪公官翰詹師道見之曰我欲以功名垂後世何術而可公館之令恣觀一

切有用之書期年日吾達其意矣雖然無所資以投俗機有學  
何用乃持青島之說遊遊公卿間事多奇驗河帥吳壽峯長知  
契由是名譽通都下踵門求見者趾相錯數年方畧館差滿議  
敘以府經歷分發江西旋援例改長蘆鹽經歷需次天津時有  
張兩帆者寒士也師道重其學品傾身下之張歿一妻二女貧  
無所依師道賜之且為二女擇配而遣之人於是多其義聞學  
與聲甫謂之曰君有志利濟而為是官是廉靜寡欲者之任君  
非其宜夫與民相親而最易知其病苦者其惟州縣乎師道乃  
改捐知縣仍發江西署建昌補武甯訟息政平當事者歎為出  
色人員未幾湖北崇陽逆匪滋事以防堵功加知州銜遂援豫  
工例捐陞道銜需次四川歷署敘州知府成綿道咸豐二年任  
川北道以護送徵兵冒暑南行得疾卒時吾邑有翰林任教職

海城縣新志卷之二

賢能

三

者僉為之語曰翰林坐教白丁坐道徒積死書為聖賢笑

竇端嘉慶戊午副貢由咸陽教諭升四川樂至知縣樂至地狹  
民貧風俗又甚喬野端下車後刊詩三十章以諭之自是父子  
異居者皆知改悔又修養濟院月給孤貧者米穀農耕之暇督  
民修治道路每遇鄉試必餽士子卷費以故得科名者頗多後  
歷任城口屬西藏軍糧屯政各同知權緩定知府民無冤獄祀  
名宦  
王益謙字受之號仲山性敏異博聞強識尤精熟史記漢書由  
舉人大挑一等分發福建道光甲申補永安縣歷署蚶江永春  
侯官政和將樂等邑再任崇安最後陞汀州同知會丁外艱母  
又年耄遂不復出為人剛方正直造次必於儒者事長官以禮  
謙論侃侃無懦容同寅皆嚴憚之侯官鹽丁殺人大吏欲活之

公竟訊如律建安民有以邪教煽者制府奉

嚴旨治之公得去名五六人解至轅囚多妄攀檄令悉拘將盡  
實之法公訊其株連者縱之曰此官可去無罪之民不可誅也  
解餉至臺灣大府下令捕餘犯日獲百餘人繫繫獄將滿公言  
於大府曰匪類知公至皆早贖其不去者俱良民囚而瘐斃之  
恐干天和令遽止再至崇安五月值大水米石銀七兩且不可  
得民聞其來夾道焚香訴者千餘人公令富戶出粟平糶定斗  
米錢四百境內無違令復通牒鄰省戒邊糧由是全活者眾其  
他雪冤婦懲姦盜尤為閩人所傳誦侯官崇安均立生祠公少  
時為親負米不辭勞苦辭官歸里造壽萱堂奉其母以居兄弟  
間怡怡如也平生好學不倦善詩工書遠近士 皆宗仰之  
增謙益謙弟字師竹乙卯舉人援例官戶部雲南司主事掌八

海城縣新志卷之二

賢能

六

省漕京師十三倉總核精密大司農倚以為重查辦事件輒與  
偕往洊陞員外郎中出為甯夏道以內艱歸服闋補廣東糧  
儲道時髮逆播亂各省軍餉悉仰給焉又艇賊起大府攻勦連  
年轉運供饋前後無少缺乏賊逼省垣登埤督守有欲刺者廉  
而殺之內應絕賊遂去英人入廣州運庫金數千萬入佛山將  
集眾與慶英人恐謂人曰王某來乃可議和不得已單騎懷七  
首任意議不協即刺其酋為必死計和議既成擢鹽運使剔宿  
弊卻陋規課額無缺加按察使銜致仕後避回匪亂居山西之  
運城性好施與書置義田卹其族又輸萬金以資兵饑云  
王溥字博之道光戊戌進士家貧力學初官工部都水司主事  
嘗兼修工程故事工人有以陋規託名羨餘公獨嚴斥之嗣遷  
員外郎郎中以俸滿出知山西甯武府旋調平陽兵燹後墾荒

澹澹流亡復業有屬令誣良為盜斃杖下其父控諸府鞠得實  
某懼陷以重金卻不受讞既定臬司以私欲寬之力持不變時  
稱三不允太守調太原期年清積案數百擢冀甯道陝回之亂  
奉檄防河賊不得渡加布政使銜尋調署河東道潔已杜私課  
充而商裕先後權藩篆者三權輿篆者四光緒丁丑歲大稔  
朝廷發粟賑饑公力疾從事培發選賢必務實惠及民事竣晉  
撫以勞績上擢兩淮鹽運使准綱竄而商侈兵後又設養賢館  
刊書局日久弊生侵及正欵公塞倖門核漏卮大拂眾意方請  
開缺遽以病卒平生清廉寡欲一毫不妄取而周卹親友累數  
千金無吝色子集書法秀挺為時所重

張瀛字十洲庚戌進士由刑部主事歷陞員外郎郎中派充秋  
審處坐辦決疑獄號明允改官御史出知河南開封府累遷河

清城縣新志卷之二

賢能

三

道廣東按察使山西布政使寬嚴並用吏治肅然請疾歸適丁  
丑大荒鄰匪乘隙入城戍官焚署居民逐之出官軍至眾懼玉  
石不分公函當道洞陳良莠逆匪伏誅餘無一株累旋辦全省  
賑務以勞瘁卒事聞 贈內閣學士

張霖謝號少溪己酉拔貢生由部郎分發甘肅委署慶陽知府  
以憂去性慈厚好施與同治初避回亂寄居白水奉大帥檄督  
團勇防守北山適宜君土匪據玉華官作亂遣團丁會宜令破  
斬之及捻匪逼近郊命健兒夜薄賊營救出難民甚夥且給衣  
糧散遣之時值歲饑家中落糧多廢缺而舊時僕隸來就食者  
不忍令去由是遠近推為長者云

李蘊芳字海涵庠生賦性豁達不拘小節以家貧遊遊山石遇  
將軍某留掌書記由經歷加捐知縣歷署陽曲垣曲祁縣曲沃

鳳臺等邑慈惠精明上下交孚權陽曲篆時前任以苛斂為民  
所辱聞邑驚擾幾致大變蘊芳至立除暴政加意安撫眾感其  
德為立生祠後授興縣卒官平生和易近人兼好施與仕宦二  
十餘年家無長物

以上諸公皆炳諸記載輿論翕然其或勳績不甚著而名位  
尊顯未可率意屏削者因附諸篇末以俟後人考鏡云

後唐賈貞固字體仁諫議大夫專子舉同光元年進士除河東  
節度推官晉祖在藩知其廉介即位擢員外中書舍人天福三  
年上封事令百僚各舉一人隨才銓用不適者連坐殿罰帝深  
嘉之著為令明年改御史中丞詳定朝會禮樂歷刑侍工書遷  
禮部知貢舉舊制進士試夜繼三燭後改畫試貞固以畫晷短  
難盡士才奏復舊又有藻鑑時論稱之漢祖入汴遷吏部尚書

清城縣新志卷之二

賢能

六

進司空門下侍郎平章事乾祐初加司徒改本貫永安鄉為賢  
相鄉班瑞里為勳貴里周祖朝命同掌軍國政事加兼侍中已  
改監修國史俄罷相守司徒封沂國公尋歸洛水之陽放曠山  
水以自適開寶二年卒

按宋史貞固本傳稱為同州人梁善長志白水又謂係其邑  
人豈知賢相鄉名相沿已久安得謂籍隸他邑豈以蒲蜀同  
而統言耶抑以舊稱南白水而偶悞邪

國朝原毓宗字礪岳崇正戊辰進士初任河間縣調遵化忤璫歸  
後補商河擢兵部主事歷郎中轉山海道兵備僉事改補天津  
國朝為井陘道擢兵部侍郎宗人府上疏求復按差尋告病歸里  
足不出戶為圃自適口不言政事居鄉尤有雅量

儒林

金張建字吉甫明昌初舉才行授絳州教官召為應奉翰林文

字以老乞身道陵愛其雅素不欲令去左右眷眷久之超同知

華州防禦使事仍賜詩士林榮之建號蘭泉老人有集行世

完侯均字伯仁少孤鬻薪以養繼母人稱為侯曾子積學四十

年羣經百氏靡不淹貫名震關中用薦為太常博士後因上疏

忤時相即辭歸均貌魁梧而氣剛正人望而畏之及其交接則

和易近人答諸生所問窮索極探如取諸箚難方言古語世所

未曉者莫不應時剖析以故眾服其博聞為不易及元史附

明趙晉一名寅字孟賜賢相鄉人元末舉進士授耀州判官以

誣免隱居堯山南與邑人馬巨江馮翊尚士行渭南石伯元等

尚德樂道為關中學者所宗後事白起為應奉翰林文字不就

洪武初有司以名聞徵為太子文學五主陝西試未幾辭歸太

祖以晉老成重望輔導攸賴再遣使即家拜春坊侍講學士辭

不獲已復赴闕每春宮進講畢必召至別殿坐語從容字而不

名藥餌酒饌資予優渥後知不可留洪武十八年賜安車還鄉

御製文送之文曰卿雖仕有元然不稱用及朕繼大統物求

卿周旋未嘗失儀啓沃之道諸請皆二帝三王之制朕自得卿

不有眷屬之思因令卿歸行晉秉懷高潔不慕榮利雖敦促

當善自調理釋結自由云云使起卒能早自引退故始終見尊禮如此

姚哲字孟幾洪武四年以才學卓異舉教授南康府同知政績

丕著遷荊州府知府未幾召為春坊贊善與邑人趙晉均為太

祖所敬禮及致仕還鄉遠近士夫靡不奉為典型祀鄉賢

馬巨江學問老成志尚閒逸洪武十七年以通經舉授成甯訓

導永樂初召至京師將用之以老固辭遂授翰林五經博士時

稱鉅儒致政受勅還家

國朝王化泰號省庵篤尚氣誼初與邑人單允昌厚善及國變單

以身殉化泰乃隱於醫集同志黨湛張珥輩以正學相切劘年

幾古稀不遠數百里訪李二曲於藍屋後又與白煥彩迎李至

同州商證學業尊以師禮嘗自憾日汨成暮虛度此生每一念

及輒歔歔涕零生平性至直見人過面斥不少貸遇人一言一

善則欣羨推許不啻若自其口出刊布迪吉錄偽學禁二書寓

淑人成物意其為善蓋惟日不足者也卒後二曲為表其墓

單允昌字發之號元洲萬厯戊午舉人父可大號一山以孝廉

守荊州家訓素嚴正允昌尤生而慷慨敦大節少讀史傳即慕

文文山謝疊山之為人居與弟允蕃舅氏和鼎立會講學從

遊者甚眾其論學大旨以盡性至命為歸而尤諳切於忠孝廉

恥之防時國事日非盜賊旱荒又相繼作允昌蒿目時艱每與

同志言及輒撫膺浩歎或至泣下由是不復進取但究心經世

之務閒註釋經書以發其所自得崇正癸未逆闖陷關中威逼

縉紳從逆允昌乃遁迹深山既而竟不屈死當未死時親知以

位非大臣百方勸解允昌號慟曰父子兄弟受國厚恩獨懼貽

累宗族不敢為文謝二公之所為若更覲觀偷生何面目立人

世將來何以見吾父於地下卒殉之時年五十二弟允蕃字茂

之崇正壬午舉人與兄同志正學互相激發邑人有二難之目

鼎革後棄家遠遊不知所之

王侶號再復庠生父茂麟字仁蒼少從馮恭定公遊讀書樂道

學者宗之侶質性純篤始授小學曰此吾心所固有何事誦為

長究羣書獨於太極圖實體諸己快然自得謂太極只是誠先

天消息實在人間人能確認得大極則天下無復餘事後以積勞成疾既大漸志氣清明茂麟異之不忍言訣從容問曰子具達觀否曰具子了彭殤一致否曰了子心光景何似曰常靜定子生平志願何似曰窮理盡性做秀才如是做官亦如是願為顏孟之徒不失孔門家法不意構此危疾然自反實無愧於心朝聞道夕死可矣以此報父母深恩耳言訖而逝年僅二十有三單允昌為之傳李二曲讀其書詣墓祭之以上三人關學編

國朝甯維垣字靜默幼習舉業長乃潛心理學師事盤屋李二曲嘗云人心危而難制以其從內生出二曲稱善遂為入室高弟凡士之來學者先就維垣商證然後入侍函丈平生誠心為善不事表暴二曲語人曰甯子靜默猶吾之左輔也其見重如此張訓字聖謨良村人富平楊忠介公之外曾孫也少讀忠介書

蒲城縣新志卷之二

儒林

三

即欲效其人言動舉止靡不循禮家貧舌耕於外一日聞母病天將晚風雨大作或止其行訓曰母病將誰依耶急冒雨歸後至人重其德於束脩定額外有所贈拒不受康熙辛未歲大饑藉館穀度日東君小失禮即拂衣去其平日砥礪名節亦與忠介無殊卒時年甫三十六士林惜之

王相儒字伯通庠生性篤厚力學不倦親沒時方值兵荒營辦喪葬靡不如禮教子以道有過必笞諸子百家涉獵幾遍雖家計中落不輟誦讀性愛異石肩攜筆載累成小山題曰卧遊詩亦清雅騷客韻士多與唱和云

原鍾河字六一諸生舉止端凝不妄交遊晚好宋五子書抄錄成帙出入言動舉以為師嘗以甥劉某為嗣已經授室一日讀春秋至舊人滅節歎曰甥固不可承宗祧也急遣之歸別以族

姪為後其步趨聖賢類如此邑人重其學品先後受業者數百人知與不知咸稱六一先生

原承貞字芥夫號芝洲康熙乙卯舉人性沈毅穎敏善記父錦邑名宿授以羣經教之曰學者當出經入史縱橫藝苑毋徒作俗諸生也貞尊命存心制行一以古人為法善啓迪後進人方之蘇湖模範焉著作甚富其小學人物考尤有功世道云

劉鳴珂字伯容庠生性孝友家貧養親極先意承志之樂與人交尤重氣誼嘗歲饑讀書僧寺聲琅琅出戶外有富人異之欲延以教子以其有舊師謝之適其師病沒復敦請鳴珂約曰汝能送亡人旅櫬歸並贖其妻子則如命富人允之始就焉故人屈居沒母老無依有弟又不知所往鳴珂力為營葬並覓弟歸以養其母西和李重丙少年不偶鳴珂致於家俾就讀後得為

蒲城縣新志卷之二

儒林

三

知名士邑令汪兆鼎聘修邑志有富人攜重貲求為其父作佳傳卒不許初鳴珂父襄謨友愛諸姪撫育如己子及卒呼子鳴珂玉珂諸請以同居為囑迄總服同爨食指六十餘人無間言皆襄謨遺訓也玉珂康熙辛卯舉人性行肫篤如其父兄見編王夢祖字念武幼慧七歲喪母哀毀如成人父憐其弱不使學願獨嗜之及長工文詞於韻學尤深嘉慶初元以貢生舉孝廉方正甚洽眾心遭父喪徒步迎柩哀感路人有所贈皆辭不受邑令造廬一答拜不再往精於醫理雖貧人邀請靡不施治祀鄉賢孫鼎另有傳

王得穎字實田嘉慶癸酉舉人幼失怙痛母氏之勞自力於學讀隴岡阡表輒大痛入泮後授讀以養母母亡哀毀骨立堂下生瑞柏焉課生徒先行後文後獲祿養常出所有以贍不足又